

Naalackersuisunut ilaasortat akisussaanerat pillugu Inatsisartut inatsisaat pillugu Namminersorlutik Oqartussat nalunaarutaat nr. 5, 20. april 2021-meersoq

Matumuuna Inatsisartut inatsisaat nr. 6, 13. maj 1993-imeersoq inatsisartunut ilaasortat akisussaanerat, Inatsisartut inatsisaat nr. 16, 22. november 2011-imeersoq kingunerisaanik allannguutit ilanngullugit nalunaarutigineqarpoq.

§ 1. Inatsisartut inatsisaanni uani pineqarpoq Naalackersuisut siulittaasuata Naalackersuisunullu ilaasortat atorfirminnik ingerlatsinerminnut akisussaanerat.

§ 2. Kalaallit Nunaanni pinerluttulerinermi inatsimmi immikkoortoq siulleq aalajangersakkanut nalinginnaasunut tunngasoq taamaalluni atuutissaq.

§ 3. Naalackersuisunut ilaasortaq kinaluunniit sulianut naalackersuinikkut oqartussaaffigisaminut tunngasunik aalajangiinernut akisussaavoq.

§ 4. Naalackersuisut ataatsimiinneranni aalajangikkamut Naalackersuisunut ilaasortaq kinaluunniit ataatsimiinnermi peqataasimasooq aalajangiinermullu akuerseqataasimasooq akisussaavoq. Taamatuttaaq akisussaatinneqassaaq ilaasortaq aalajangikkap pilerneranut allatut iliorluni peqataasimasooq.

§ 5. Inatsisunik unioqqutitsinermi peqataanermut akisussaaneq pillugu pinerluttulerinermi inatsisini aalajangersakkamik atuinermi Naalackersuisunut ilaasortaq sulisorisami qanoq iliorneranut peqataasutut isigineqassaaq

- 1) nalusimanngikkuniuk qanoq iliorneq taanna suliaajumaartoq, akornuserniarsimanagulu,
- 2) qanoq iliorneq taanna aalajangiinissap Naalackersuisunut ilaasortap akisussaaffigisaata naammassinnaanut pisariaqartuusimappat pinngitsooraniluunniit iliuusissaasimappat, imaluunniit
- 3) qanoq iliorneq tamanna naammassineqartissinnaasimaguniuk pisariaqarneratut annertutigisumik nakkutilliinnginnermigut malittarisassaliunnginnermigullu.

§ 6. Naalackersuisunut ilaasortaq § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalackersuisullu pillugit Inatsisartut inatsisaat inatsisilluunniit allat malillugit imaluunniit atorfirmi suunera malillugu imminut pisussaaf f igisassanngortitaasut malillugit iliunngikkuni.

Imm. 2. Imm. 1-imi aalajangersagaq aamma atorneqartassaaq Naalackersuisunut ilaasortaq eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissanut annertuumik pingaaruteqartunik nipangiussisimappat.

§ 7. Naalakkersuisunut ilaasortap qanoq iliorneranik pissuteqartumik taarsiissuteqartitsisinnaaneq eqqarsaatigalugu inuit pisortaqaarfimmi kiffartortut ajoqusiinerinut taarsiisitsisarneq pillugu maleruagassiat tamanut atortuusut atussapput.

§ 8. Inatsisartut inatsisaat una malillugu unnerluutiginninneq pissaaq inatsisinik unioqqutitsiunnaarnermiit kingusinnerpaamik ukiut tallimat qaangiutsinnagit.

§ 9. Pinerluttulerinermik inatsimmi § 55 Naalakkersuisunut ilaasortanut atortuunngilaq.

§ 10. Inatsisartut inatsisaanni uani aalajangersakkanik unioqqutitsinerit pineqaatissiissutaassapput Kalaallit Nunaanni pinerluttulerinermi inatsit malillugu.

§ 11. Inatsisartut aalajangissavaat pissutsit Naalakkersuisunut ilaasortap atorfimminik ingerlatsineranut tunngasut Kalaallit Nunaanni Politimesterimut paasiniagassanngortinneqassanersut unnerluussissutissanngortinniarneqassanersullu.

Imm. 2. Kalaallit Nunaanni Politimesterip aalajangissavaa unnerluutiginnittoqassanersoq pineqaatissiinissamik piunasaqaatitalimmik.

Imm. 3. Suliassaq Kalaallit Nunaanni Eqqartuussivimmi suliarinneqqaartussatut suliarissavaa.

§ 12. Inatsisartut inatsisaat una junip aallaqqaataani 1993-imi atortuulissaaq.

Inatsisartut inatsisaat nr. 16, 22. november 2011-imeersoq (Kingunerisaanik iluarsinerit)**[1]**
atuutilersitsinissamik aalajangersagaq makkuninnga imaqarpoq:

§ 2

Inatsisartut inatsisaat ulloq 1. december 2011-mi atuutilissaaq.

Naalakkersuisut Siulittaasuata Naalakkersuisoqarfia, ulloq 20. april 2021

[1] Inatsimmi allangortinneqartumi pineqarput Inatsip taaguutaa, § 9 aamma § 11, imm. 2. Qallunaatuani landstinget og landsstyret” imatut allangortinneqarput ”Inatsisartut og Naalakkersuisut.